

王荊公唐百家詩選

中冊

王制公卿百官詩選

卷一



王荊公唐百家詩選卷第七

戴叔倫四十七首

郎士元二十一首

戴叔倫四十七首

酬贈張衆甫

野人無本意散木任天材分向空山老何言
上苑來超遙千里道依倚九層臺出處甯知
命輪轂豈自媒更慚張處士相與別蒿萊

客舍秋懷呈駱正字士則

無言堪自喻偶坐更相悲木落驚年長門閑
惜草衰買山猶未得諫獵又非時設被浮名
繫歸休漸欲遲

早行寄朱山人放

山曉旅人去天高秋氣悲
明河川上沒芳草
露中衰此別又萬里
少年能幾時
心知剡溪路聊且寄前期

贈殷御史亮

日日河邊見水流
傷春未已復悲秋
山中舊宅無人住
來往風塵共白頭

寄中書李舍人紆

萍翻蓬自卷不共本心期
復入重城裏頻看百草滋
水流歸思遠花發長年悲
盡日春風起無人見此時

贈李山人唐

此意無所欲閉門風景遲
柳條將白髮相對共垂絲

酬塾屋耿少府漳見寄

方丈蕭蕭落葉中
暮天深巷起悲風
流年不盡人自老
外事無端心已空
家近小山當海畔
身留還衛隱牆東
遙聞相訪頻逢雪
一醉寒宵誰與同

贈康老人洽

酒泉布衣舊才子
少小知名帝城裏
一篇飛入九重門
樂府喧喧聞至尊
宮中美人皆唱得
七貴因之盡相識
南鄰北里日經過
處處淹留樂事多
不脫弊裘輕錦綺
長吟佳句掩笙歌
賢王貴主於我厚
駿馬蒼頭如己有
暗將心事隔風塵
盡擲年光逐杯酒
青門幾度見春歸
折柳尋花送落暉
杜陵往往逢秋暮

望月臨風攀古樹繁霜入鬢何足論舊國連
天不知處爾來倏忽五十年卻憶當時思眇
然多識故侯悲宿草曾看流水沒桑田百人
會中一身在被褐飲瓢終不改陌頭車馬共
營營不解如君任此生

襄州遇房評事由

移家住漢陰不復問華簪
酒宜城近燒田夢澤深
暮山逢鳥入寒水見魚沉
與物皆無累終年愜本心

暮春遊長沙東湖贈辛兗州巢父二首

湘流分曲浦繚繞古城東
岸轉千家合林開一鏡空
人生無事少心賞幾回同
且復忘羈

東悠悠落照中

回環路不盡歷覽意彌新
古木畚田火澄江盪槩人
緩歌尋極浦一醉送殘春
莫恨長沙遠他年憶此辰

同兗州張秀才過王侍御參謀宅賦

十韻 柳字

十年官不進斂跡無怨咎
漂蕩海內遊淹留楚鄉久
因參戎幕下寄宅湘川口
翦竹開廣庭瞻山敞虛牖
閑門早春至陋巷新晴後
覆地落殘梅和風裊輕柳
逢迎車馬客邀結風塵友
意愜時會文夜長聊飲酒
秉心轉孤直沉照隨可否
豈學屈大夫憂慚對漁叟

同辛兗州巢父盧副端岳相思獻酬

之作因抒歸懷兼呈辛魏二院長楊

長甯

暮角發高城
情人坐中起
臨觴不及醉
分散秋風裏
雖有明日期
離心若千里
前歡反惆悵
後會還如此
焉得夜淹留
一回終宴喜
羈遊復牽役
皆去重湖水
早晚泛歸舟
吾從數君子

對月答元明府

山下孤城月上遲
相留一醉本無期
明年此夕遊何處
縱有清光知見誰

酬袁太祝長卿小湖村山居書懷見

寄

背江居隙地
辭職作遺人
耕鑿資餘力
樵漁

逐四鄰麥秋桑葉大梅雨稻田新籬落栽山
果池塘養海鱗放歌聊自足幽思忽相親余
亦歸休者依君老此身

清明日送鄧芮二子還鄉

鍾鼓喧離室車徒促夜裝晚廚新變火輕柳
暗翻霜傳鏡看華髮持杯話故鄉每嫌兒女
淚今日自沾裳

送汶水王明府

何時別故鄉歸去佩銅章親族移家盡閭閻
不戰場背關餘古木近塞足風霜遺老應相
賀知君不下堂

送裴明州郎中徵効南朝體

瀟水連湘水千波萬浪中知君未得去慚愧

石尤風

送觀察李判官巡郴州

行役各遠路煙波同旅愁輕橈上桂水大艚
下揚州何處成後會今朝分舊遊離心比楊
柳蕭颯不勝秋

京口送皇甫司馬副端曾舒州辭滿
歸東都

潮水忽復過雲帆儼若飛故園雙闕下左宦
十年歸晚景照華髮涼風吹別衣淹留更一
醉老去莫相違

奉同汴州李相公勉送郭布殿中出
巡

軒車出東閣都邑遶南河馬首先春至人心

比歲和省風傳隱恤持法去煩苛卻想埋輪者論功此日多

送東陽顧明府罷歸

祖帳臨鮫室黎人擁鵠舟坐藍高士去繼組
鄙夫留白日落寒水青楓遶曲洲相看作離
別一倍不禁愁

戲留顧十一明府

江明雨初歇山暗雲猶濕未可動歸橈前程
風浪急

柳花歌送客往桂陽

滄浪渡頭柳花發斷續因風飛不絕搖煙拂
水積翠間綴雪含霜誰忍攀夾岸紛紛送君
去鳴棹孤尋到何處移家深入桂水源種柳

新成花更繁定知別後消散盡卻憶今朝傷
旅魂

送前上饒嚴明府攝玉山

同山字

家在故林吳楚間冰爲溪水玉爲山更將舊
政化鄰邑遙見逋人相逐還

撫州對事後送外生宋垓歸饒州覲
侍呈上姊夫

淮汴初喪亂蔣山烽火起與君隨親族奔迸
辭故里京口附商客海門正狂風憂心不敢
住夜發驚浪中雲開方見日潮盡爐峯出石
壁轉棠陰鄱陽寄茅室淹留三十年分種越
人田骨肉無半在鄉園猶未旋爾家習文藝
旁究天人際父子自相傳優游聊卒歲學成

不求達道勝那馱貧時入閭巷醉好是羲皇
人須因物役牽偶逐簪組輩謗書喧朝市撫
己慚淺昧世業大小禮近通顏謝詩念渠還
領會非敢獨爲師

潘處士宅會別

相邀寒景晚惜別故山空鄰里疎林在池塘
野水通十年多難後一醉幾人同復此悲行
子蕭蕭逐轉蓬

江上別張勸

年年五湖上馱見五湖春長醉非關酒多愁
不爲貧舊山迷道路清洛暗風塵今日扁舟
別俱爲滄海人

汝南別董校書

擾擾倦行役相逢陳蔡間何爲百年內不見
一人閑對酒惜餘景問程愁亂山秋風萬里
至又出穆陵關

留別李道州圻

瀧路下丹徼郵童揮畫撓山回千騎隱雪斷
兩鄉遙魚漚擁寒溜畚田落遠燒維舟更相
憶惆悵坐通宵

永康孫明府頌秩滿將歸枉路訪別
門前水流咽城下亂山多非是還家路寧知
枉騎過風煙復欲隔悲笑屢相和不學陶公
醉無因奈別何

將赴湖南留別東陽舊寮兼示吏人
智力苦不足黎甿殊未安忽從新命去復隔

舊寮歡曉路整車馬離亭會衣冠冰堅細流
咽燒盡亂峯寒耆老相餞送兒童亦悲酸桐
鄉寄生怨欲話此情難

奉天酬別鄭諫議雲達盧拾遺景亮
見別之作

巨擘盜都城傳聞天下驚陪臣九江畔走馬
來赴難伏奏見龍顏旋持手詔還單車不可
駐朱檻未遑攀故人出相餞共悲行路遠臨
歧荷贈言對酒獨傷魂世故山川險憂多思
慮昏重陰蔽芳月疊嶺明舊雪泥積轍更深
木冰花不發鄭侯間世賢忠孝乃雙全大義
弃妻子至淳易生死知心三四人越境千餘
里駿馬帳前發驚塵路傍起樓煩俛首看莫

敢相留止拜闕奉良圖留中沃聖謨洗兵收
魏郡誘敵討幽都多亞典屬國良遷諫大夫
從容九霄上談笑解陰符盧生富才術特立
居近密採掇獻吾君明廷視聽新寬饒狂自
比汲黯直爲鄰就列繼三事主文當七人可
憐長守道不覺五逢春昔去城南陌各爲天
際客關河煙霧深寸步音塵隔羈旅忽相遇
別離又茲夕前悲涕未乾後喜心已感而我
方老大頗爲風眩迫夫君併少年何爾鬢鬚
白惆悵語不盡徘徊情轉劇一罇且共持以
慰長相憶

撫州處士胡泛見送北迴兩館至南

昌縣界查溪蘭若別

移罇鋪山曲祖帳查溪陰鋪山卽遠道查溪
非故林悽然誦新詩落淚霑素襟郡政我何
有別情君獨深禪庭古樹秋宿雨清沉沉揮
袂千里遠悲傷去住心

將巡郴永途中作

行役留三楚思歸又一春自疑冠下髮聊此
鏡中人機息知名誤形衰恨道貧空將舊泉
石長與夢相親

過彬州

江盡湘南戍山分桂北林火雲三月合石路
九疑深暗谷隨風過危亭共鳥尋羈魂已愁
絕不復待猿吟

桂陽北嶺偶過野人所居聊書卽事